



UNIVERSITÄTS-  
BIBLIOTHEK  
PADERBORN

## **Catalogus Episcoporum Hildesiensium**

**Letzner, Johannes**

**Hildesheim, [ca. 1690]**

XXXVI. Henricus III.

---

[urn:nbn:de:hbz:466:1-64252](#)

cultus divinus vel omissus, vel minus devote reverenterve peractus per anni decursum fuisset, B. V. patrocinio, ac proborum virorum præsentium precibus compensaretur. Totius deinde Capituli Cathedralis unanimi consensu in Præsulem electus, Comitatum Woldebergensem Ecclesiæ adjecit. Præfecturam Lindaw in Eichsfeldia, & Præfecturam Lutter cœmit. Arcem Steurwaldt muris, fossis, turribus munivit: castrum Poppenburgense ferè collapsum instauravit: Monasterium Wittenburgense non procul à veteri arce Poppenburgensi, 12. Canonicis Regularibus D. Augustini fundatum tradidit Anno 1328. Quatuor Canonicatibus in Cartallo quintum addidit. Denique Anno 1335. 22. Augusti morti cessit, in Cathedrali ante aram omnium Sanctorum tumulatus.

**XXXVI. HENRICUS III.** Filius Alberti Ducis Brunswicensis, ex Canonico hujus Ecclesiæ omnium suffragiis ad Episcopatum electus Anno 1335. cum Erico Comite Schowenburgico Regiminis corivali varia bella gessit: eo mortuo, optata pace potitus curas omnes ad Ecclesiæ commoda convertit. Comitatum Schladensem à Meinone ultimo illustris illius Familiæ, emit; Territorium Widelah, olim Baronatus Dörstadiensis partem, magno ære comparavit à nobilibus de Gowisch. Præfecturam Woldenstein, nunc Bilderlah dictam, Comitatus Woldenbergensis partem, à Barone Siffirido de Homborch emit ac Diœcesi addixit. Deinde coempta hæc Dominia in tres Præfecturas convertit; iisq; suâ industriâ quartam adjecit Marienburgum, cuius ar-

cem

¶ 3 ( 1 ) 6 ·

cem ex fundamentis erexit. Ad conservandam  
tanti beneficij memoriam (cum Anno 1362. 6. Fe-  
bruarii pie obiisset, & ante Capitulares de cautela  
in Successoribus eligendis adhibenda monuisset)  
lapidi sepulchrali in summa Aede infra majus Orga-  
num quatuor laminæ æneæ affixæ, dictas quatuor  
Satrapias repræsentantes. Anno 1350. sub ipso pri-  
mùm celebrata hic solennitas corporis Christi, ab  
Urbano IV. Pontifice instituta Anno 1264. ductâ  
per totam Civitatem supplicatione solennissimâ.  
Præter 4. Satrapias Dassel, Lindaw, Westerhoffe &  
Poppenburg aliis oppignoratas, decem liberas,  
Steurgewaldt, Pein, Marienburg, Ruthe, Leven-  
burg, Schladen, Widelah, Lutter, Woldenstein  
& Wintzeburg Successori reliquit.

XXXVII. JOANNES II. Patriâ Coloniensis, ex Ordine S. Dominici, prius ad Culmen-  
sem, deinde ab Innocentio VI. Pontifice ad Hilde-  
siensem mitram promotus, ob animi candorem,  
mansuetudinem, suavitatem, modestiam, demissio-  
nem, & scientiam insignem, populo & omnibus  
gratus, post biennale regimen, vitæ ptivatæ aman-  
tior, consentiente Pontifice Anno 1364. & Capitu-  
lo approbante, in Decanum Hildesiensem, utpote  
bellicis hisce turbis aptiorem, onus Pastorale tran-  
stulit, sed per Urbanum V. Anno 1368. Augustanæ  
& Wormatiensis Ecclesiæ gubernaculo admotus,  
tandem rursus, eo abdicato, in optatis sibi latebris  
reconditus, obiit Anno 1378. i. Aprilis.

XXXVIII. GERARDUS Patre Ottone  
Barone de Monte, & Matre Wichilde Comitissa de

F

Hoja